



ЭРҮҮЛ МЭНДИЙН ХӨГЖЛИЙН ТӨВИЙН  
ЕРӨНХИЙ ЗАХИРЛЫН ТУШААЛ

2017 оны 12 сарын 22 өдөр

Дугаар А/224

Улаанбаатар хот

Сургалт зохион байгуулах тухай

Монгол Улсын Төсвийн тухай хуулийн 16 дугаар зүйлийн 16.5.2, 16.5.5 дахь заалт, Эрүүл мэндийн сайдын 2016 оны А/203 дугаар тушаалын нэгдүгээр хавсралтын 4.7.6, 7.4.2 дахь заалтыг тус тус үндэслэн ТУШААХ нь:

1. "ЖАЙКА" ОУ-ын байгууллагатай хамтран зохион байгуулах "Амь тэнссэн үеийн түргэвчилсэн үнэлгээ, лавшруулсан тусламж" сэдэвт сургалтын удирдамж, хөтөлбөрийг нэгдүгээр, төсвийг хоёрдугаар хавсралтаар тус тус баталсугай.

2. Сургалт зохион байгуулахад шаардагдах төсвийг Хичээл үйлдвэрлэлийн дадлагын зардлаас гаргахыг Ахлах нягтлан бодогч /Д.Гантуяа/-д зөвшөөрсүгэй.

3. Сургалтыг удирдамжийн дагуу чанартай зохион байгуулахыг Эрүүл мэндийн ажилтны хөгжлийн алба /З.Наранбаатар/-д үүрэг болгосугай.

4. Тушаалын хэрэгжилтэд хяналт тавьж ажиллахыг Захиргаа, санхүү-үйлчилгээний алба /Л.Оюунчимэг/-д даалгасугай.


ЕРӨНХИЙ ЗАХИРЛЫН АЛБАН ҮҮРГИЙГ ТҮР ОРЛОН  
ГҮЙЦЭТГЭГЧ



Б.НАРАНТУЯА



Ерөнхий захирлын 2017 оны 12 сарын 12 өдрийн 17 дугаар тушаалын нэгдүгээр хавсралт



“Амь тэнссэн үеийн түргэвчилсэн үнэлгээ, лавшруулсан тусламж”  
сэдэвт сургалт

**Үндэслэл:**

Сүүлийн жилүүдэд Монгол улсын эрүүл мэндийн салбарын нөхцөл байдал сайжирсаар байгаа хэдий ч орон нутаг дахь эмнэлгийн тусламж үйлчилгээ харилцан адилгүй, өвчлөлийн бүтэц өөрчлөгдөж халдварт бус өвчин, осол гэмтэл өсөх болсон. Мөн эмнэлгийн мэргэжилтний төгсөлтийн дараах сургалтын тогтолцоо нь боловсронгуй болоогүй гэх мэт асуудлууд тулгарч байна.

ЖАЙКА олон улсын хамтын ажиллагааны байгууллага нь анхан ба хоёр дахь шатлалын эмнэлгийн тусламж үйлчилгээний чанарыг дээшлүүлэх зорилго тавин эмнэлгийн мэргэжилтний төгсөлтийн дараах сургалтыг сайжруулах төсөл хэрэгжүүлж эхэлсэн. Ялангуяа нэн түрүүнд сайжруулах шаардлатай байгаа яаралтай тусламж болон холбогдох чиглэлүүдийг голчлон авч үзэхээс гадна, эмнэлгийн тусламж үйлчилгээний чанарыг сайжруулах тал дээр түлхүү анхааран ажиллаж байна.

ЭМЯ, ЭМХТ, ЖАЙКА ОУ-ын байгууллагатай хамтран яаралтай тусламжийн чиглэлээр зохион байгуулагддаг сургалтын талаар судалж, хэлэлцсэний үр дүнд амь насанд аюултай эрсдэлд орсон өвчтөний биеийн байдалд үнэлгээ өгөх, амилуулах лавшруулсан тусламжийн арга техникийг эзэмшүүлэх (Advanced Assessment for Life Support - AALS) сургалт зохион байгуулах нь зүйтэй гэсэн дүгнэлтэд хүрсэн. Үүнтэй холбогдуулан Япон улсад зохион байгуулагддаг AALS сургалтаас үлгэр жишээ аван сургалтын хөтөлбөр боловсруулж, нарийн ажилбар гүйцэтгэх боломжтой манекин ашиглан сургалт зохион байгуулахаар төлөвлөж байна.

Энэхүү сургалт нь Монгол улсад эмнэлгийн яаралтай тусламж үйлчилгээг сайжруулахад хувь нэмэр оруулахаас гадна, холбогдох мэргэжлийн эмч мэргэжилтэнд чиглэгдэн зохион байгуулагдах болно. Эмнэлгийн яаралтай тусламж үйлчилгээний чадавхи сайжирснаар Монгол улсын эрүүл мэндийн тусламж үйлчилгээний түвшинд ахиц гарна гэж үзэж байна.

**Зорилго:**

Амь насанд аюултай эрсдэлд орсон өвчтөний биеийн байдалд үнэлгээ хийх, амьлуулах лавшруулсан тусламжийн арга техникийг (AALS) эзэмших

**Зорилт:**

- 1) AALS сургалтын талаар ерөнхий арга техник эзэмших
- 2) Яаралтай тусламжийн үед хэрэглэдэг ABCDE үнэлгээний аргыг эзэмших
- 3) AALS-г эмнэлзүйн талбар дээр бодитоор хэрэгжүүлэх үндсэн ур чадварыг эзэмших

Богино хугацааны сургалт

\* Ажлын хэсгийн гишүүд:

ЭМХТ-н ЭМАХА-н 1 мэргэжилтэн, ЖАЙКА-н төслийн 1 ажилтан

**Сургалтын хугацаа:** 2017 оны 12 сарын 14-16 өдөр

**Сургалт болох газар:** ЭМХТ-н хурлын заал

**Эзэмших мэдлэг:**

AALS-н тухай мэдлэг, яаралтай тусламжийн анхан шатны тусламжийн тухай мэдлэг

**Эзэмших ур чадвар:**

AALS-н арга техник, яаралтай тусламжийн үед авах голлох арга хэмжээ

**Эзэмших хандлага:**

Яаралтай тусламж авах шаардлагатай өвчтөнд тусламж үзүүлэх чин сэтгэлтэй, Монгол улсын эмнэлгийн яаралтай тусламж үйлчилгээнд хувь нэмэр оруулах хандлагыг төлөвшүүлнэ.

**Сургалтын хэрэглэгдэхүүн:**

Нарийн ажилбар гүйцэтгэх манекин 2 ширхэг, сэхээн амьдруулах яаралтай тусламжийн 2 иж бүрэн хэрэгсэл, FAST-н (түргэвчилсэн эхо) хэв авиан хиймэл арьс (sonoskin) 1 ширхэг, ширээ 2, проектор, компьютер, дэлгэц.

**Сургалтын арга зүй:**

Нэгдсэн лекц, дадлага, багийн ажиллагаа



Сургагч багш нар:

№	Овог нэр	Албан тушаал	Мэргэжил, боловсролын зэрэг	Ажилласан жил
1	С.Алтансүх	УНТЭ Яаралтай тусламжийн тасгийн эрхлэгч	АУ-ны магистр	23

Ашигласан материалын эх сурвалж:

Trauma Man System, User guide. SIMULAB  
Trauma Man System, Instructor guide. SIMULAB

Сургалтын хөтөлбөр:

“Амь тэнссэн үеийн түргэвчилсэн үнэлгээ лавшруулсан тусламжийн сургалт”

Ерөнхий агуулга

Амь насанд аюултай эрсдэлд орсон өвчтөний (голчлон гэмтэлд өртсөн өвчтөний жишээн дээр) сценарийг ашиглан, манекин дээр дадлага гүйцэтгэн AALS-н арга техник эзэмших

Сургалтын нээлт

- 1) Сургалтын өмнөх анкет (суралцагчдад урьдчилан тараана)
- 2) Сургалтын талаархи тайлбар /10 мин/
- 3) Лекц /60 мин/
- 4) Багш сценарийг хэрхэн гүйцэтгэх талаар хийж үзүүлэх /30 мин/  
Зорилго: Хүрэх зорилтын талаар төсөөлөлтэй болгох  
Сценари: Шахсан пневмоторакс (tension pneumothorax) + аарцагны ясны хугарал (цус алдалтын шок)
- 5) Ур чадварын өртөө: /2 цаг: 60 мин \* 2/  
Зорилго: Эмч бүр гардан үйлдэл хийж, хэсэгчилсэн ур чадвар (partial skill) эзэмшинэ.


Ур чадварын өртөө “А”:

- Эзэмших чадвар: Мөгөөрсөн хоолойд гуурс тавих, амьсгалын зам чөлөөлөх мэс заслын арга
- Сценари: Ком (тархины судасны эмгэгтэй өвчтөн), амьсгалын дээд замын бөглөрөл (анафиласкид орсон өвчтөн)

Ур чадварын өртөө “Б”:

- Эзэмших чадвар: Цээжний гялтангийн хөндийд гаргуур тавих (tube thoracotomy), үнхэлцэгийн хөндийд хатгалт хийх (pericardial centesis)
- Сценари: Цээжний зүүн хэсэгт бэртэл авсан өвчтөн (зүрхний тампонад, нээлттэй пневмоторакс хавсарсан)

Ерөнхий захирлын 2017 оны 12 сарын  
12 өдрийн А. дугаар тушаалын хоёрдугаар хавсралт  
1224



**“АМЬ ТЭНССЭН ҮЕИЙН ТҮРГЭВЧИЛСЭН ҮНЭЛГЭЭ, ЛАВШРУУЛСАН ТУСЛАМЖ”  
СУРГАЛТАД ЗАРЦУУЛАГДАХ ТӨСӨВ**

3-н өдрийн сургалт

№	Хэрэглэгдэх зүйлс	Хэмжих нэгж	Тоо, хэмжээ	Нэг бүрийн үнэ	Нийт үнэ
1	Бичиг хэргийн зардал	1 хүн	80	2.000	160.000
2	Гэрчилгээ	1 хүн	80	1.000	80.000
3	Цайны зардал	1 хүн/өдөр	80*6	2.000	960.000
4	Хоолны зардал	1 хүн/өдөр	80*3	6.000	1920.000
6	Багшийн цагийн хөлс /магистр/	хүн *цаг	1*24	10.000	240.000
<b>Нийт зардал</b>					<b>3.360.000</b>

Хянасан:

Д.Гантуяа /Ерөнхий нягтлан бодогч/

Боловсруулсан: *О. Баярсайхан* О.Баярсайхан /ЭМАХА-ны мэргэжилтэн/